



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorum Omnium Generalium Et Provincialium Collectio Regia**

Ab anno DCCCLXXII. ad annum DCCCCIX.

**Parisiis, 1644**

XI. Confirmatio priuilegiorum ecclesiae Turonensis.

**urn:nbn:de:hbz:466:1-15967**

XI.  
EPISTOLA  
IOANNIS PAPÆ VIII.

AD ADALARDVM ARCHIEPISOPVM  
TYRONENSEM.

Confirmat priuilegia ecclesiæ Turonensi concessa.

Reuerendissimo & sanctissimo Adalardo venerabili archiepiscopo  
Turonensi, successoribusque tuis, nec non & omnibus fidelibus  
sanctæ Dei ecclesiæ, presentibus scilicet  
atque futuris.

**D**E C E T enim Romanam ecclesiam, quæ mater est omnium Dei ecclesiarum, ut quanta viget dignitate præclara, eo magis consistat in misericordia pia: quatenus quæ digna postulantur a fidelibus, sine mora cum pietate largiri mereantur a nobis. Omnia vestrum religiositatem volumus scire fideliter, quoniam presbyteri diœcesis Turonici pagi ad nostrum accesserunt pontificium, sugerentes ut firmaremus apostolica auctoritate illis & capitulare regum, & coepiscoporum scriptum, ut debeat vnaquaque ecclesia proprium mansum habere cum mancipiis quatuor, vineas aripennos tres, prata similiter, & cœmerium cum mansionibus, sine personali & ciuili munere exigendo, nisi diuino solummodo in ecclesiasticis rebus obsequio, sicuti Canonum prisca auctoritas & moderna concedit: vbi vero res nominatae antiquitus condonatae & moderno tempore abstractæ esse videntur, pontificali auctoritate & regali potestate sine mora aliqua aut tarditate restituantur. Nos illorum precibus inclinati volumus, apostolicaque auctoritate expresse iubemus, ut præfata scrip<sup>ta</sup>, a nostro pontificio delata, a coepiscopis firmata, a regibus iussa, sint rata & modis omnibus obseruanda. Si quis huius apostolicæ censuræ temerario ausu violator extiterit, si sacerdos fuerit, proprio honore priuetur, & Christiana communione cassus anathematis vinculo innoderetur; si laicus, similiter perpetua damnatione cum Iuda traditore torqueatur: conseruator vero perenni benedictione apostolorum principum Petri & Pauli modis omnibus perfrauatur.

Epist. cxiii.